

Dana Dettol untuk MyKasih



MELALUI MyKasih, Dettol menyumbang sebanyak RM25,000 untuk manfaat kanak-kanak yang kurang bernasib baik.

PAKAR kebersihan diri, Dettol telah mengumpul dana sebanyak RM25,000 menerusi kempen Charity Drive Ramadan untuk diberikan kepada pertubuhan sukarela MyKasih.

Pelanggan yang membeli produk Dettol bernilai RM20 di pasar raya Giant secara automatik telah menyalurkan sebanyak 50 sen ke dalam dana terbabit.

Selaku peneraju dunia produk antiseptik yang memberikan perlindungan daripada kuman, Dettol tampil mendidik kanak-kanak dan isi rumah mengenai kepentingan mengekalkan amalan kebersihan yang baik.

"Kami bangga dapat menyebarkan mesej kebersihan dan menggalakkan pengguna mengamalkan tabiat menjaga kebersihan.

"Untuk membuatkan kempen ini lebih bermakna, kami menyeru para pelanggan supaya bersama-sama menjayakannya," kata Pengarah Jualan Reckitt Benckiser, Raghu Krishan.

Wang yang dikumpul digunakan untuk menyokong program Sayangi Jiranku dan Sayangi Sekolahku MyKasih.

MyKasih, sebuah organisasi bukan bermotifkan keuntungan, sebelum ini pernah menganjurkan program kesedaran kesihatan dan celik kewangan, pendidikan kanak-kanak serta program latihan kemahiran kepada golongan yang kurang bernasib baik di Malaysia.

"Sumbangan RM25,000 ini akan digunakan untuk program Sayangi Jiranku sekali gus memeriahkan lagi sambutan hari raya buat golongan berkenaan," ujar Pengarah Urusan Yayasan MyKasih, Jeffrey Perera pada majlis penyampaian replika cek di Pasar Raya Giant Bandar Kinrara, Puchong, Selangor baru-baru ini.

Pengurus Besar Pemasaran GCH, Norine Erica Majaman pula memberitahu, pelanggan Giant sangat responsif terhadap kempen yang dijalankan.

Acara kemuncak majlis tersebut menyaksikan kanak-kanak dari MyKasih mengadakan persembahan demonstrasi tujuh langkah penting membasuh tangan.

Turut hadir pengacara televisyen Azura Zainal, pelakon Siti Saleha, Miss Tourism International 2011, Gabriella Robinson dan Miss World Malaysia 2011, Chloe Chen.

http://www.kosmo.com.my/kosmo/content.asp?y=2013&dt=0815&pub=Kosmo&sec=Varia&pg=va_01.htm